

Daim ntaub ntawv qhia txog qhov txuam thawj tseeb ntawm cov roj ntsha tiv thaiv kab mob hom monoclonal (Monoclonal Antibody, mAb)

Kev kho mob ntsig txog cov roj ntsha tiv thaiv kab mob hom monoclonal (Monoclonal Antibody, mAb) muaj peev xwm pab tiv thaiv tau kom tsis txhob muaj kev mob khaub thuas hnyav thiab txo qhov coob tsawg ntawm kev tag lub neej txoj sia vim los ntawm Tus Kab Mob Khaus Viv-19 (COVID-19).

Qhov kev kho mob no tam sim no yeej muaj nyob rau ntawm cov kws muab kev saib xyuas kho mob uas nyob thoob plaws hauv lub xeev coob tshaj qub, ua rau nws yooj yim rau kev tau txais kev kho mob dua qub lawm.

Vim li cas thiaj li yuav tsum tau txais kev kho mob ntsig txog cov roj ntsha tiv thaiv kab mob hom monoclonal (Monoclonal Antibody, mAb)?

- Nws yog ib qho uas siv tau hauj lwm zoo heev li txog ntawm kev tiv thaiv kom tsis txhob muaj cov kev pw kho hauv tsev kho mob vim los ntawm Tus Kab Mob Khaus Viv-19 (COVID-19) thiab txo kev loj hlob ntawm Tus Kab Mob Khaus Viv-19 (COVID-19) nyob rau hauv cov neeg uas tau raug tau rau tus kab mob lawm ntawd.
- Nws pab txo kev pheej hmoo txog ntawm kev ploj tuag.
- Nws yog ib qho uas siv tau hauj lwm zoo uas muaj pov thawj los mus tawm tsam tus yam ntxwv mob Delta.

Cov roj ntsha tiv thaiv kab mob hom monoclonal yog dab tsi?

Cov roj ntsha tiv thaiv kab mob hom monoclonal (Monoclonal antibodies, mAbs) yog cov roj ntsha tiv thaiv kab mob uas loj hlob nyob rau hauv ib lub chaw sim kuaj mob uas los mus tiv thaiv tus kab mob vais lav (virus) kom tsis txhob nkag tau rau hauv koj cov hlab ntsha (tsig nqaij) thiab txo kom tsis txhob muaj qhov kev mob loj heev ntawm tus kab mob thiab kev pw kho hauv tsev kho mob.

Leej twg thiaj muaj cai rau qhov kev kho mob ntsig txog cov roj ntsha tiv thaiv kab mob hom monoclonal (Monoclonal Antibody, mAb) nod?

Cov tib neeg uas muaj hnuv nyoog 12 xyoo thiab laus dua ntawd uas hnyav yam tsawg li 88 phaus (pounds) (40 kg) thiab cov uas:

1. Tau sim kuaj mob pom tias muaj Tus Kab Mob Khaus Viv-19 (COVID-19)

- Nyob rau hauv 10 hnuv tom qab tau muaj cov tsos mob
- Muaj cov tsos mob uas mob me ntsis txog rau qhov mob pes nrab
- Tsis tau pw kho hauv tsev kho mob piv txwv li muaj peev xwm tau txais kev kho mob nyob rau ntawm vaj tsev thiab tsis yog nyob rau kev kho mob ntsig txog kev siv cua zoo pab ua pa (oxygen)
- Thiab tau raug txiav txim hais tias yog [cov neeg mob muaj uas kev pheej hmoo siab](#).

LOS SIS

2. Tau raug tau Tus Kab Mob Khaus Viv-19 (COVID-19) lawm los sis nyob rau kev pheej hmoo raug tau kab mob siab vim muaj cov kis (kaus lab nis) mob coob heev nyob rau hauv ib lub tuam tsev ua hauj lwm (xws li cov tsev tu neeg laus) THIAB cov uas tsis tau txhaj tshuaj tiv thaiv kab mob txhij txhua THIAB raug txiav txim siab hais tias muaj [kev pheej hmoo siab](#). Tsis tas li ntawd cov neeg uas txhaj tshuaj tiv thaiv kab mob txhij txhua lawm los yeej tseem muaj cai tsim nyog tau txais kev txhaj tshuaj tiv thaiv kab mob nyob rau qee cov zwj ceeb tib si.

Kuv yuav zoo li cas yog hais tias kev tau txais kev kho mob uas siv cov roj ntsha tiv thaiv kab mob hom monoclonal?

Kev kho mob uas siv cov roj ntsha tiv thaiv kab mob hom monoclonal yog ib qho khoom ua kua uas tau muab txhaj rau los ntawm kev siv ib ab koob tsis hais yuav yog muab txhaj rau hauv txoj hlab ntshav dub (kev tso dej tshuaj) los sis txhaj rau hauv daim tawv nqaij (sab hauv qab ntawm cov tawv nqaij) los yeej tau tib si. Koj tus kws muab kev saib xyuas kho mob rau fab kev noj qab haus huv los sis lub chaw uas koj yuav mus txais kev kho mob ntawd mam li piav qhia rau koj paub txog hais tias koj yuav tau txais hom kev kho mob dab tsi. Rau ob cov txheej txheem kho mob tib si, tus kws txawj ua hauj lwm ntsig txog fab kev kho mob uas tau txais kev cob qhia lawm yuav tsum tau siv cov koob.

Yog hais tias koj tseem tsis tau txhaj tshuaj tiv thaiv kab mob, koj yuav tsum tau tos kom txog li 90 hnuv tom qab koj qhov kev kho mob ntawd txhawm rau thiaj li tau txais tus tshuaj txhaj tiv thaiv kab mob nod.

Kev tau txais kev kho mob ntsig txog cov roj ntsha tiv thaiv kab mob hom monoclonal (Monoclonal Antibody, mAb) yuav tsis hloov qhov ncuca caij nyoog ntawm kev caiv tus kheej thiab kev caiv nyob ib leeg uas yuav tsum tau caiv ntawd. Yuav tsum tau ua raws li cov lus qhia uas tau muab tuaj ntawm lub thawj fab saib xyuas hauj lwm kev noj qab haus huv hauv zej zos uas nyob ze rau ntawm koj txuas ntxiv mus.

Kev tso dej tshuaj (Rau hauv koj cov hlab ntsha)

Koj tseem yuav tsum tau mus rau ntawm ib lub chaw muab kev tso dej tshuaj uas muaj cov neeg ua hauj lwm uas tau txais kev cob qhia zoo tshwj xeeb txhawm rau kom thiaj li tau txais cov roj ntsha tiv thaiv kab mob hom monoclonal ua ib qho kev tso dej tshuaj.

Qhov kev kho mob no yog muab tam li yog ib qho kua tshuaj uas tso mus rau hauv koj cov hlab ntsha los ntawm kev siv ib rab koob (kev tdej tshuaj nkag mus raws cov leeg ntshav). Nws yuav siv sij hawm li ntawm 20 - 50 feeb (nas this), thiab tej zaum kuj yuav ntev zog ntawd, txhawm rau thiaj li ua tiav qhov kev tso dej tshuaj. Koj yuav raug thov kom nyob tos li ib teev (xuab moos) ntxiv tom qab ua tiav qhov kev tso dej tshuaj txhawm rau xyuas kom paub tseeb hais tias koj tsis muaj cov tsos mob tshwm sim uas mob loj heev dab tsi.

Sab hauv qab ntawm cov tawv nqaij (Hauv qab ntawm koj daim tawv)

Yog hais tias koj tau txais kev kho mob uas siv cov roj ntsha tiv thaiv kab mob hom monoclonal rau ntawm sab hauv qab ntawm cov tawv nqaij, koj yuav tau txais plaub cov koob tshuaj txhaj tiv thaiv kab mob uas muaj ib rab koob luv hno rau sab hauv qab ntawm koj daim tawv rau hauv plaub qho chaw sib cais nyias rau nyias rau ntawm koj lub cev. Feem ntau lawm cov no muaj xam nrog rau sab nrob qaum ntawm ob txhais npab, lub plab thiab/los sis ob txhais ncej puab tib si. Kev tau txais tag nrho plaub cov koob tshuaj txhaj tiv thaiv kab mob yuav siv sij hawm thaj tsam li ntawm 1-3 feeb (nas this). Koj yuav raug thov kom nyob tos li ib teev (xuab moos) tom qab ua tiav koj qhov txhaj cov koob tshuaj txhaj tiv thaiv kab mob txhawm rau xyuas kom paub tseeb hais tias koj tsis muaj cov tsos mob tshwm sim uas mob loj heev dab tsi.

Cov tsos mob tshwm sim

Nrog rau tsis hais yuav yog kev kho mob thiab lwm yam los xij, tej zaum koj yuav muaj qee cov kev tsis nyab xeeb thaum nyob rau ntawm qhov chaw nkaug tshuaj ntawd. Qhov no yog ib qho uas keev pom muaj tas li thiab cov tsos mob tshwm sim no yuav tsum loj mus nyob rau ob peb hnuv tom qab ntawd.

Muaj qee cov neeg tej zaum kuj yuav ntsib ib qho kev tshwm sim rov qab mes ntsis uas muaj xam nrog rau:

- Mob ib pliag
- Los ntshav me ntsis
- Doog ntshav
- Mob
- Kev mob o

Cov tsos mob no zoo muaj ntsis sib thooj li yam uas tej zaum koj yuav ntsib nyob rau thaum tab tom txhaj lwm cov tshuaj, xws li tus tshuaj txhaj tiv thaiv Tus Kab Mob Khaus Viv-19 (COVID-19) los sis koob tshuaj txhaj tiv thaiv mob ua daus no (tau khaub thuas). Tej zaum cov tsos mob no tsuas mob ntev li ob peb hnuv xwb.

Yog hais tias koj paub tias muaj cov kev hloov pauv xws li mob, liab, tsob ntshav, loog, caus yaum, los sis lwm cov tsos mob uas muaj feem xyuam ze rau ntawm qhov chaw nkaug tshuaj, ces hu rau koj tus kws muab kev saib xyuas kho mob rau fab kev noj qab haus huv.

Kev txhaum fab rau lub cev uas tsis tshua pom muaj

Nws tsis tshua pom muaj, tab sis mas qee cov neeg muaj peev xwm muaj ib qho kev txhaum fab rau lub cev uas mob loj txog rau qhov kev kho mob uas siv cov roj ntsha tiv thaiv kab mob hom monoclonal. Txhua tus neeg yuav raug hais kom nyob tos yam tsawg li ntawm ib teev (xuab moos) tom qab ua tiav qhov kev kho mob txhawm xyuas kom paub tseeb hais tias tsis muaj kev tshwm sim los ntawm kev fab tshuaj ua rau mob loj dab tsi tshwm sim thiab txhawm rau kom thiaj li muaj peev xwm muaj tau kev pab kiag tam sim ntawd yog hais tias xav tau kev pab.

Lwm cov kev txhaum fab rau lub cev uas mob loj heev

Muaj cov neeg tsawg heev li uas tej zaum tau ntsib tej yam uas tsis tshua pom muaj li nod, tab sis mas kev txhaum fab rau lub cev uas mob loj heev yuav tsum tau mus kho mob. Sib tham nrog koj tus kws muab kev saib xyuas kho mob rau fab kev noj qab haus huv los sis nrhiav kev saib xyuas kho mob yog hais tias koj muaj ib yam ntawm cov tsos mob uas mob loj tshaj no nyob rau hauv ntau hnuv tom qab ua tiav koj qhov kev kho mob:

- Mob plab tshaib (xeev siab, ntuav los sis raws plab)
- Khaus, mob os, ua pob los sis ua xua
- Kiv tob hau los sis ntshav qis

- Cov kev hloov pauv hauv koj lub plawv dhia
- Txhua cov tsos mob tshiab los sis mob loj zuj zus tuaj
- Ua pa nyuaj
- Tsis muaj zog
- Nco tsis tau zoo

Cov hom ntawm cov kev kho mob uas siv cov roj ntsha tiv thaiv kab mob hom monoclonal uas siv txawv

Roj ntsha tiv thaiv kab mob hom casirivimab/roj ntsha tiv thaiv kab mob hom Imdevimab- Ib qho kev sib xyaws ntawm ob cov roj ntsha tiv thaiv kab mob txhawm rau pab koj lub cev teb lus rau Tus Kab Mob Khaus Viv-19 (COVID-19) yog hais tias koj sim kuaj pom tias muaj mob los sis yuav raug muab siv los mus tiv thaiv kev mob khaub thuas yog hais tias koj raug tau rau Tus Kab Mob Khaus Viv-19 (COVID-19). Qhov kev siv tshuaj no muaj peev xwm siv tau los ntawm kev tso dej tshuaj IV (rau hauv ib txoj hlab ntsha) los sis tam li yog plaub cov koob tshuaj txhaj tiv thaiv kab mob uas txhaj rau sab hauv ntawm daim tawv. Koj yuav raug ntsuam xyuas kom ntev txog li 1 teev (xuab moos) tom qab ua tiav qhov kev kho mob.

Roj ntsha tiv thaiv kab mob hom Bamlanivimab/roj ntsha tiv thaiv kab mob hom Etesivimab- Ib qho kev sib xyaws ntawm ob cov roj ntsha tiv thaiv kab mob txhawm rau pab koj lub cev teb lus rau Tus Kab Mob Khaus Viv-19 (COVID-19) yog hais tias koj sim kuaj pom tias muaj mob los sis yuav raug muab siv los mus tiv thaiv kev mob khaub thuas yog hais tias koj raug tau rau Tus Kab Mob Khaus Viv-19 (COVID-19). Qhov kev siv tshuaj no tsuas muaj peev xwm muab tau los ntawm kev tso dej tshuaj IV (rau hauv ib txoj hlab ntsha) nkaus xwb. Koj yuav raug ntsuam xyuas kom ntev txog li 1 teev (xuab moos) tom qab ua tiav qhov kev kho mob.

Roj ntsha tiv thaiv kab mob hom Sotrovimab- Ib hom ntawm cov roj ntsha tiv thaiv kab mob txhawm rau pab koj lub cev teb lus rau Tus Kab Mob Khaus Viv-19 (COVID-19) yog hais tias koj sim kuaj pom tias muaj mob. Qhov kev siv tshuaj no tsuas muaj peev xwm muab tau los ntawm kev tso dej tshuaj IV (rau hauv ib txoj hlab ntsha) nkaus xwb. Koj yuav raug ntsuam xyuas kom ntev txog li 1 teev (xuab moos) tom qab ua tiav qhov kev kho mob.

Yam twg vam tseg tias yuav ua tom qab ua tiav qhov kev kho mob lawm?

Tom qab ua tiav koj qhov kev kho mob lawm koj yuav tsum tau mus tsev, so thiab saib xyuas koj cov tsos mob ntawm Tus Kab Mob Khaus Viv-19 (COVID-19) yog hais tias koj

muaj cov tsos mob ntawd. Yog hais tias koj muaj kev tsis kaj siab txog ntawm qhov chaw uas cov kev txhaj tshuaj uas koj tau txais ntawd, koj muaj peev xwm siv ib daim ntaub ntub dej txias tau nyob rau hnub ua koj qhov kev kho mob ntawd. Tom qab ntawd, qhov kev kub lug sov so ntawd (xws li kev muab qhov kub los npuab rau) muaj peev xwm pab kho tau txhua qhov uas doog ntshav ntawd zoo.

Cov neeg feem coob tsis tas yuav tsum tau siv txhua cov kev kho mob uas yuav tsum muaj kev soj qab xyuas ntau ntiv los yeej tau. Koj tus kws muab kev saib xyuas kho mob rau fab kev noj qab haus huv yuav sib tham nrog koj yog hais tias lawv xav hais tias koj yuav tsum tau txais kev kho mob ntau ntiv.

Tej zaum koj yuav pib hnob tau tias koj cov tsos mob ntawm Tus Kab Mob Khaus Viv-19 (COVID-19) zoo zus zuj tuaj lawm, los sis tej zaum nws kuj yuav siv sij hawm ntev me ntsis ua ntej koj yuav pib hnob tias nws zoo dua qub lawm. Nyob rau qee kis, tej zaum koj yuav ntsib cov tsos mob ntawm Tus Kab Mob Khaus Viv-19 (COVID-19) uas ua rau mob loj zuj zus tuaj. Koj yuav tsum tau nrhiav kev pab tshwj xeeb txog fab kev kuaj mob kiag tam sim ntawd yog hais tias koj cov tsos mob moj loj heev, muaj xam nrog rau:

- Ua pa nyuaj
- Mob ua ntu zus tsis tseg li los sis ceev hauv siab
- Kev nyuaj siab ntxhov plawv tshiab
- Tsim dab ntub nyuaj los sis xav tso dab ntub nkaus xwb
- Daj ntseg lis, ntsej muag npkob xuav, los sis daim tawv nqaij xiav, ob sab di ncauj, los sis rau tes, nyob ntawm seb qhov tsos ntawm daim tawv zoo li cas.

Txhawm rau hais tawm qhia txog cov tsos mob tshwm sim uas mob loj heev

1. Qhia rau koj tus kws muab kev saib xyuas kho mob rau fab kev noj qab haus huv kiag tam sim ntawd
2. Hais tawm qhia txog koj cov tsos mob tshwm sim mus rau Lub Chaw Tswj Xyuas Khoom Noj thiab Tshuaj (Food and Drug Administration, FDA) Feem MedWatch ntawm www.fda.gov/medwatch los sis hu rau
1-800-Lub Chaw Tswj Xyuas Khoom Noj thiab Tshuaj (Food and Drug Administration, FDA)-1088 los sis hu rau 1-844- 734-6643.

Yog hais tias muaj cov lus nug ne yuav tsum hu rau leej twg

Yog hais tias koj muaj lus nug los sis kev txhawj xeeb dab tsi hais txog ntawm koj qhov kev kho mob, hu rau koj tus kws muab kev saib xyuas kho mob rau fab kev noj qab haus huv los sis lub chaw kuaj mob los sis lub khw muag tshuaj uas koj tau mus kho mob ntawd.

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Feem Saib Xyuas Hauj Lwm Txog Cov Kev Sib Txuas Lus Ntsig Txog Tus Kab Mob Khaus Viv-19 (COVID-19 Communications Unit) ntawm tus xov tooj 1-971-673-2411, 711 TTY los sis COVID19.LanguageAccess@dhsosha.state.or.us.